



National Agricultural Research Institute

Gutpela Wei Bilong Planim Na Lukautim Taro Long Gaden



**NARI TOKTOK
BUB026 (P)**

July 2018

TOK I GO PAS

Taro em wanelala gutpla kaikai bihain long kaukau na yam long planti ples insait long kantri Papua Niugini.

Save na rot bilong planim na lukautim em i no wankain long ol ples antap long kol ples hailans na go daun long nambis.

Sampela yusim speid, ainba na sampela yusim hap diwai ol sapim long en long wokim hol bilong planim taro.

Sais bilong hol ol digim save makim wanem kain sais bilong taro long taim bilong digim. Gutpela pasin bilong planim na lukautim taro em stat long taim bilong planim go inap long taim bilong kamautim kaikai.



Dispela ol step em toksave long gutpela pasin na rot bilong luk-autim taro long gaden long taim bilong planim go inap long taim bilong kamautim kaikai.

STEP 1. Makim gutpela hap graun na klinim bilong planim taro. Rausim na klinim gut olpela as bilong banana long, nogut ol binatang betol bilong taro bai kaikai taro.

STEP 2. Makim na kisim ol gutpela sid taro long sait bilong mama taro. Noken planim bikpela bun bilong en, bilong wanem em bai i no inap givim gutpela kaikai. Katim na rausim ol lip 20-30 cm.



STEP 3. Putim ol stick taro insait long blis wara IL bleach go 10L wara long 30 minit. Dispela em bilong Klinim sik na binatang Stap long stick taro.



STEP 4. Rausim ol stik taro, Rinsim long wara na karamapim long drai gras 2-3 Pela dei na bihain digim hol na planim. Dispela bai helpim ol rop bilong taro kamap hariap.



STEP 5. Digim hol 30cm go daun long graun na 20-30cm bikpela bilong hol wantaim speid o hap diwai o ainba. Putim liklik graun tasol na strongim as bilong taro. Speis bilong planim taro mas 100 cm namel long row na taro olsem piksa i soim. Dispela em givim Inap speis long taro bai kisim san long putim gutpela na bikpela kaikai. Taro stap paspas na planti ples kol save mekim taro karim liklik kaikai sais.



STEP 6. Klinim gaden taro namba wan taim bihain long 3 o 4-pela wiik taim taro i putim 4-pela o 5-pela lip bihain long planim. Rausim ol graun go pulap insait long hol na taro bai kisim gut inap san lait na win long mekim m gro bikpela.



STEP 7. Taro igo 3-pela mun, klinim gen namba tu taim na givim graun long as bilong taro. Putim moa graun taim em igo 5-pela mun.



STEP 8. Taro em i redi long digim taim em i go siks o seven (6-7) mun long ol sotpela kain taro na 8-pela mun long ol longpela taro long ples nambis.

Long ples kol long hailans, taro save redi insait long 12-pela o 15-pela mun.



SAMPELA MOA TOKSAVE LONG SIK NA BINTANG BILONG TARO

Lukaut long ol sik na binatang nogut bilong taro taim Yu planim na lukautim taro:

1. Sik bilong Lip Taro (TLB): Dispela sik em i save kamap antap long lip bilong taro na kukim lip na mekim kamap braun na sting. Ren, wind, animol/man i save kisim dispela sik i kam. Prais bilong marasin bilong stopim dispela sik em i antap moa olsem na em i moa gutpela long planim ol taro NARI i mekim wok painim aut na kamapim long en. Dispela ol taro em i sanap strong long daunim dispela sik bilong lip.

2. Binatang Taro Betol: Dispela betol save mekim hol insait long taro. Taim bikpela bagarap i kamap long taro olsem 50%, yusim ol marasin olsem (Bifenthrin na Mustang) long taim bilong planim narapela taro gaden.

3. Ol arapela sik bilong taro (Taro viruses): Ol sain olsem: taro i no gro gut, ol lip fold, bun bilong taro senisim kala na kain ol sik olsem kamap, hariap na rausim kain taro long gaden na digim hol arere long gaden na karamapim long graun. Em ol sain bilong dispela sik virus. Ol liklik flais save karim dispela sik long lip na bun bilong taro. Dispela sik em i no gutpela na i hat long daunim.

This booklet is produced based on facts from hands on experience in the field by Philip Lali, a dedicated field staff attached to Taro Breeding at MRC, written by Jenny Bataau -Anima and technically revised by Jeffrey Waki.

Copies of this leaflet can be obtained from:

NARI Head Office
Sir Alkan Tololo Research Centre
PO Box 4415, Lae 411
Morobe Province

Telephone: (675) 79864776/76061118

Email: naripng@nari.gov.pg

Website://www.nari.gov.pg